

忻州直隸州志

定生題



忻州志卷三十八

知忻州直隸州事方戊昌編輯

藝文下 詩 賦

行忻代間

宋 范仲淹

數年風土塞門行說著江山意暫清
求取罷兵南北去滿樓蒼翠足生平

述懷

何宏中

馬革盛尸每恨遲西山餓踣更何辭
姓名不到中興歷付與皇天后土知

凌雲臺

在東門外磨臺上

李中立

忻州志

卷三十八

藝文下

一

山圍平野四迴環天迴臺高眼界寬
雲漏殘陽明遠岫濤翻急雨漲前灘
一川勝趣四時好千里雄風三伏寒
誰見凌雲清絕處夜涼空翠溼闌干

題繫舟山圖

裕之先大夫嘗居此山之東巖

金 趙秉文

山頭佛屋五三間山勢相連石嶺關
名字不經從我改便稱元子讀書山

李平甫為裕之畫繫舟山圖閑閑公有詩某亦繼作

楊雲翼

名利走朝市山居良獨難況復山中人
讀書不求官東巖有佳致書室方丈寬
彼美元夫子學道如觀瀾孔孟澤有

餘曾顏膏未殘向來種德深直與山根蟠之子起其門孤
鳳騫羽翰計偕聊復爾平步青雲端謁來遊京師士子拭目
觀禮部天下士文盟今歐韓一見折行輩殆如平生歡
舞雩詠春風期著曾點冠五言造平淡許上蘇州壇我嘗
讀子詩一唱而三歎世人非無才多爲才所謾高者足詆
訶下者或辛酸吾子忠厚姿不受薄俗漫晴雲意自高淵
水深無湍他日傳吾道政要才行完會使茲山名與子俱
不刊

贈石德固

張翰

西湖之月清無塵橋中之樂猶避秦向來所見止此耳渠

忻州志

卷三十八

藝文下

一一

亦豈是真知津如君眼孔乃許大萬事付之塵甑墮兒能
詩書又肯播著脚世間看踏破青巾玉帶桃李花日斜空
望紫雲車布衣誰識隱君子一馬癯然何處家

家園假山

元德明

八尺飛來峰蒼然立於獨細看甲乙字疑是平泉族山非
一草石見石山亦足便恐東岫雲來我簷下宿今朝鑿盆
池明朝種松菊自笑住山人何時返巖谷

贈答程彥文

剝啄誰叩門開門得吾友握手一大笑慰我離羣久之子
富才具事業可力取瞻望青松姿衰遲愧蒲柳金滿鴛

鷺什伯自爲偶寂莫林野人過從但鄰叟盤殮無兼味筍
蕨才適口窮達俱偶然相逢且杯酒

寒食再遊福田寺

春山寂寂掩禪扉複嶺盤盤入翠微布韞青鞵供勝踐粥
魚齋鼓薦元機日烘幽徑綠煙煖風定曉枝紅雨稀曾是
西堂讀書客不應啼鳥也催歸

秋葺王氏園亭

細徑雲林底危亭澗水湄秋先殞黃葉寒未老紅葵嚼句
幽禽答尋花晚蝶隨無人共幽興思與野僧期

山園梨葉有青紅相半者戲作一詩

忻州志

卷三十八

藝文下

三

霜輕霜重偶然中一葉雖殊萬葉同不信世間閒草木解
隨兒女作青紅

憶山中二絕句

東寺留連飲張園爛漫遊兒童望歸路一日幾登樓

秋色山中好山翁醉不迴不知籬下菊霜後幾業開

同東巖元先生論詩

王敏夫

林逋仙去幾年來年驚見梅花第二篇千歲冰霜松骨瘦九
秋風露鶴聲圓騰輝定出連城上得趣知從太古前邂逅
茅齋話終夕只疑人世改桑田

題裕之樂府後

王中立

常恨小山無後身元郎樂府更清新紅裙婢子那能曉送
與凌煙閣上人

題裕之家山圖

趙元

繫舟盤盤連石嶺牧馬澍澍倒山影山光水氣相混涵中
有元家舊廬井雁門一開豺虎場駕言投迹膏之陽青山
偃蹇不可將十年竟墮兵塵黃東巖風物知猶在說與寄
庵神已會一揮淡墨能似之清輝遠寄形骸外元家故山
吾與鄰夢見不如畫圖真舊曾行處聊經眼未得歸時亦
可人

讀裕之弟詩藁

有鶯聲柳巷深之句漫題三詩其後

元好古

忻州志

卷三十八

藝文下

四

阿翁醉語戲兒癡說著蟬詩也道奇吳下阿蒙非向日新
篇爭遣九泉知

鶯藏深樹只聞聲不著詩家畫不成慚愧阿兄無好語五
言城下把降旌

傳家詩學在諸郎剖腹留書死敢忘

先人臨終有剖腹留書之語

背上

錦囊三箭在直須千古說穿楊

送張安中還雲中

名保極雲朔名士

孫益

相送還相送臨分手重分驂騮欣得路鴻雁惜離羣木落
黃華露城低紫塞雲中秋月正好千里謾思君

元氏桂軒爲敏之賦

王萬鍾

簾捲堂前桂子涼一軒燈火夜初長月中春好元無價天上風來別有香棠棣一家同映秀詞林百世繼餘芳閒花野草空無數掩盡人間獨擅場

學東坡移居八首

元好問

廢地三畝餘十年長蒿萊瓦礫雜糞壤白骨深蒼苔孤客無所投卽此營茅齋墾斷豈不苦寢處亦可懷辱身賤者事甯當惜筋骸伐木荒林中運甕古城隈辛勤八十日吾事乃得諧買宅必萬錢一錢不天來今晨見此屋一笑心顏開

誰謂我屋寬寢處無復餘誰謂我屋小十口得安居南榮

忻州志

卷三十八

藝文下

五

坐諸郎課誦所依於西除著僮僕休休得自如老我於其間兀兀窮朝晡起立足欠伸偃卧可展舒窗明火焙煖似欲忘囚拘屋前有隙地客舍不可無花欄及菜圃次第當耘鋤東野載家具家具少於車我貧不全貧尙有百本書故書堆滿床故物貯滿箱渾渾商寶鬲纍纍漢銅章杖飾昭敬恭嚴卯訶瘴剛雷文繞杖節獸面出佩瑛私印刻王尊玉斗蛟龍翔逸少留半紙魚網非硬黃亦有曇首帖不辦作雁行雪景睿思物宣政舊所藏晉公古漁父浩歌濯滄浪因觀宮騎圖卧駝識提囊谿石含餘潤奚墨凝幽香南榮挂風響雲裾佩鏘鏘鏡背先秦書八字環中央讀之

三嘆息此日何時光

壬辰困重圍金粟論升勺明年出青城瞑目就束縛毫釐
脫鬼手攘臂留空橐聊城千里外狼狽何所託諸公頗相
念餘粒分鳧鶴得損不相償抔土填巨壑一冬不製衣繒
纒如紙薄一日僅兩食強半雜藜藿不羞蓬累行粗識瓢
飲樂敵貧如敵寇自信頗亦慙兒啼飯籬空堅陣爲屢卻
滄溟浮一葉渺不見止泊五窮果何神爲戲乃爾虐
舊隱嵩山陽笋蕨豐餽餉新齋浙江曲山水窮放浪乾坤
兩茅舍氣壓華屋上一從陵谷變歸顧無復望樵漁憶還
往風土夢閑曠恍如悟前身姓改心不忘去年住佛屋盡

忻州志

卷三十八

藝文下

六

室寄尋丈今年僦民居卧榻礙盆盎靜言尋禍本正坐一
出妄青山不能隱俛首入羈鞅巢傾卵隨覆身在顏亦強
空悲龍髯絕永負魚腹葬置錐良有餘終身志懲創
國史經喪亂天幸有所歸但恨後十年時事無人知廢興
屬之天事豈盡乖違傳聞入讎敵祇以興罵譏老臣與存
亡高賢死兵飢身死名亦滅義士爲傷悲哀淮西城萬
夫甘伏尸田橫巨擘耳猶爲談者資我作南冠錄一語不
敢私稗官雜家流國風賤婦詩成書有作者起本良在茲
朝我何所營暮我何所思胸中有茹噎欲得快吐之溼薪
煙滿眼破鏡冰生髭造物留此筆吾貧復何辭

東坡謫黃州符藥行江湖荒田拾瓦礫賤役分僮奴我讀
移居篇感極爲悲歎九原如可作從公把犁鋤我貧公亦
貧賦分無賢愚論人雖甚媿詩亦豈不如

此州多寓士論年悉肩隨風波同一舟奚必骨肉爲倪家
蓮花白每釀必見貽季昌妙琴事足以相娛嬉郭侯家多
書篇帙得徧窺趙子篤於學間以問所疑王生舊隣舍窮
達心不移千里訪存歿十口分寒飢獨有仲通甫天馬不
可羈直以論詩文稍稍窺藩籬永懷王與李朔漠行當歸
書來聞吉語報我脫紲維慚非一狐腋不直五羖皮我作
野史亭日與諸君期相從一笑樂來事無庸知

忻州志

卷三十八

藝文下

七

九日讀書山用陶詩露淒暄風息氣清天曠明爲韻

賦十詩

行帳適南下居人跼庭戶城中望青山一水不易渡今朝
川涂靜偶得展衰步蕩如脫囚拘廣莫開四顧半生無根
著筋力疲世故大似丁令威歸來歎墟墓鄉閭喪亂久觸
目異平素粉榆雖尙存歲宴多霜露
今日復何日霜氣倏已淒登高有佳招山中古招提翩翩
劉公子王田重相攜乾坤動詩興澗壑忘攀躋霍侯家甚
貧劣有酒與雞城居厭鼙鼓移家此幽棲世網不易逃所
向皆塵泥何以濯我纓林間有清溪

山腰抱佛刹十里望家園亦有野人居層厓映柴門昔我
東巖君曾此避塵喧林泉留杖履歲月歸琴樽翁今爲飛
仙過眼幾寒暄蒼蒼池上柳青衫見諸孫疏鐙照茅屋新
月入頽垣

二句先
人詩

依依覽陳迹惻愴不能言

霜氣一叟薄杳杳秋山空臨高望煙樹黃落雜青紅造物
故豪縱窮秋變春容錦障三百里不盡臺山東粲粲黃金
華羅生蒿艾叢野人不知貴幽香散秋風秋物自橫陳顧
揖苦不供誰能搖醉筆吐句凌清雄

宇宙有此山閱世過鳥疾何人不此遊名姓甯復識茲辰
世所重前代多盛集柴桑有故事二謝留俊筆併數孟與

忻州志

卷三十八

藝文下

八

桓此外誰記憶人生百年內踏地皆陳迹獨惟我輩人興
懷念今昔山林與皋壤自古長太息

賞心古難并暮景日易費故人成此游尊酒重相慰新詩
互醺唱清談見滋味鱸鮓方偃蹇鼃黽共騰沸懸險劇褒
斜清渾雜涇渭爭教十圍腹滿貯憂與畏情親到真率甯
復轉喉諱鄭重伯雅生藉汝聊吐氣

往年在南都閑閑主文衡九日登吹臺追隨盡名卿酒酣
公賦詩揮灑筆不停蛟龍起庭戶破壁春雷轟堂堂髯御
史痛飲益精明亦有李與王玉樹含秋清我時最後來四
座頗爲傾今朝念存歿壯心徒自驚

我在正大初作吏浙江邊山城官事少日放浙江船菊潭
秋花滿紫稻釀寒泉甘腴入小苦幽光出清妍歸路踏月
明醉袖風翩翩父老遮我留謂我欲登仙一別半山亭回
頭餘十年江山不可越目斷西南天

吾山一何高清涼屹相望龍頭出白塔佛屋壓青嶂雲光
見秋半旭日發毫相峩峩寶樓閣金界儼龍象鄉曲二十
年香火闕瞻向金香繇草夢想雲雨上福田行欲近重
爲詩酒障終當陟層顛放眼天宇曠

紫薇老仙伯少日見承平甲子五百餘雙瞳益清明披莊
不盈尺脩然澹無營庭柯挂秋蔬老樹風泠泠我有年德

忻州志

卷三十八

藝文下

九

尊公深鄉曲情思得菊潭酒爲公制頽齡作詩語同游明
年復尋盟看翁九節杖翩翩上崢嶸

留月軒

丈室何所有琴一書數冊花竹結四鄰繁陰散芳澤閒門
無車馬明月卽佳客三人成邂逅又復得驩伯驩伯屬我
歌蟾兔爲動色商聲隱金石桂樹風索索乾坤月與我光
滅卽生魄元精貫當中甯有天壤隔卯君尙奚待言論參
數百多談令人厭坐睡驚墮幘一笑雞未鳴虛窗自生白

野史亭雨夜感興

私錄關赴告求野或有取秋兔一寸毫盡力不易舉衰遲

私自惜憂畏當誰語展轉天未明幽窗響疏雨

讀書山月夕

層厓多古木細路深莓苔柴門開曉日雲際青山來靜中
有真趣孤賞何悠哉

久旱雨亦好旣雨晴亦佳胡牀對明月樹影含清華牆東
有洿池敲枕聽鳴蛙

二月十五日鶴

九龍岡上元元祠人言尊像神所遺年年二月降靈鶴來
無定數有定期城頭曉露生新警萬首望穿雲際影不知
濁世誰下臨只許霜毛見修整石壇花落松風冷夏然長

忻州志

卷三十八

藝文下

十

鳴人語定百年鰲老誇見聞萬里黃冠赴靈應只從游騎
突重圍城郭併與人民非可憐侈殿荒墟裏無復當年丁
令威

讀書山雪中

前年望歸歸不得去年中途腳無力殘生何意有今年突
兀家山墮眼前東家西家百壺酒主人捧觴客長壽先生
醉袖挽春迴萬落千邨滿花柳山靈爲渠也放顛世界幻
入兜羅綿似嫌衣錦太寒乞別作玉屑妝山川人言少微
照鄉井准備黃雲三萬頃何人辦作陳瑩中來與先生共
炊餅

綦威卿毅挽辭

東海于門舊桐鄉邑墓遷綦東海人威卿之祖待制公知忻州因家焉芝蘭宜

有種珠玉自成淵慈母依隣切名郎獲譽先豪華非日損

信厚出天然詣理言猶訥持心靜益專笑談千里到咳唾

百金捐論齒推予長垂髻得子賢通家仍孔李知己與王

田刻責誰斯切推扶最所偏孤嫠平日託昆季再生緣摧

割詩甯寫精微夢或傳都將百年淚一慟夜臺前

懷益之兄

世故伊川嘆鄉情越客音天宜他日定陸已向來沈冉冉

愁看老源源事益侵誰言易排遣自分不勝任鞭影驚疲

忻州志

卷三十八

藝文下

十一

馬鐘聲急暮禽跼中無曠迹暄外有幽尋夢失名家筆書

存遺子金山田和石瘦茅屋過雲深春雨蔬成圃秋霜柿

滿林樹陰涼拂席花氣澹盈襟宿鷺窺晨汲孤猿伴暝吟

溪僧時問字野客或知琴抱璞休奇售臨觴得緩斟阿兄

團聚日曾話百年心

陽興砦

亂石通樵徑重崗擁戍城山川帶純樸雞犬見升平雨爛

沙仍軟秋偏氣自清年年避營馬幾向此中行由州入府避騎兵奪

馬者多由此路

已亥元日

五十未全老衰容新又新漸稀頭上髮別換鏡中人野史
纔張本山堂未買鄰不成騎瘦馬還更入紅塵

得一飛姪安信

音問他鄉隔存亾此日知夢中憂凍餒意外脫艱危避地
何嗟及還家敢恨遲衰年吾事了似有鹿門期

庚子三月十日作

殘夢忘書帙餘寒帶酒杯青銅元懶照白紵更寬裁水際
時獨往花邊知幾回殷勤雙語燕應自謝家來

八月并州雁

三鄉
時作

八月并州雁清汾照旅羣一聲驚晚笛數點入秋雲滅沒

忻州志

卷三十八

藝文下

十一

樓中見哀勞枕畔聞南來還北去無計得隨君

秋懷

崧山
中作

涼葉蕭蕭散雨聲虛堂淅淅掩霜清黃華自與西風約白
髮先從遠客生吟似候蟲秋更苦夢和寒鵲夜頻驚何時
石嶺關頭路一望家山眼暫明

懷益之兄

時在
閩鄉

牢落關河雁一聲干戈滿眼若爲情三年浪走空皮骨四
海相望只弟兄黃耳定從秋後到白頭新自夜來生西樓
日日西州道欲賦窮愁竟不成

後灣別業

薄雲晴日爛烘春高柳清風便可人一飽本無華屋念百年今見老農身童童翠蓋桑初合濼濼蒼波麥已勻便與溪塘作盟約不應重遣濯纓塵

夢歸

顛賴南冠一楚囚歸心江漢日東流青山歷歷鄉國夢黃葉瀟瀟風雨秋貧裏有詩工作崇亂來無淚可供愁殘年兄弟相逢在隨分齏鹽萬事休

太原

夢裏鄉關春復秋眼明今得見并州古來全晉非無策亂後清汾空自流南渡衣冠幾人在西山薇蕨此生休十年

忻州志

卷三十八

藝文下

十三

弄筆文昌府爭信中朝有楚囚

外家南寺

在至孝社予兒時讀書處也

鬱鬱秋梧動晚煙一庭風露覺秋偏眼中高岸移深谷愁裏殘陽更亂蟬去國衣冠有今日外家梨栗記當年白頭來往人間徧依舊僧窗借榻眠

追賦定襄周帥夢卿家秋日牡丹

千古吳中富貴家秋風吹送洛陽花真妃鏡裏春難老玉女車邊日易斜紀瑞定誰增舊譜換根元自有靈砂來遲不及西堂宴猶想分香入棣華

周有棣華堂

己亥十一月十三日雪晴夜半讀書山東龕看月

四山寒雪夜深明永恨崔嵬失舊青青女有功加粉澤素
娥無意惜娉婷微雲河漢非人世太古鴻荒見典刑剩著
新詩記今夕年年來醉半山亭

明日作

晴光晃漾入危闌萬象都歸一色看
搖筆尙堪凌浩蕩舉杯誰與慰荒寒
化成銀界清涼近散盡冰花碧海乾
後夜霜空月輪滿可無秦女共驂鸞

杏花二首

庚子歲
南庵賦

芳樹春融絳蠟凝春風寂寞掩柴荆
畫眉盧女嬌無柰齟齬孫娘笑不成
已怕宿妝添蝶粉更堪煖蕊鬧蜂聲
一般

忻州志

卷三十八

藝文下

十四

疏影黃昏月獨愛寒梅恐未平

一穗蘆鞭一穗塵西園紅豔眼中新
帽簷分去家家喜酒面飛來片片春
梅柳幾曾同故事櫻桃纔得綴芳長
荒城此日腸堪斷老卻探花筵上人

赤石谷

林罅陰崖霧杳冥石根寒溜玉玎玲
雲來朔漠疑秋蚤山近清涼覺地靈
靜愛鳥聲存野調鬧嫌人跡帶塵腥
南臺說有金銀氣可是并汾處土星

感興

夜宿讀
書山作

倚梯從昔望煙霄七葉何人竟珥貂
道路常教車歷鹿功

名惟有鬢飄蕭勤如韓子初無補晚似馮公豈見招五十
三年等閒裏一窗風葉雨瀟瀟

十月二十日雪中過石嶺關

老天黯慘入平蕪朔吹崩奔萬竅呼雪意旋妝行路景詩
家新有入關圖地鑪圍坐慙田父絮帽衝寒怨僕夫故國
煙花重回首蜀橙山麝記金壺

乙未正月九日立春

十度新正九處家今年癡坐轉堪嗟一冬殘雪不肯盡連
日苦寒殊未涯重碧總誇燕市酒小紅誰記上林花殘魂
零落今無幾乞與春風惱鬢華

忻州志

卷三十八

藝文下

十五

十一月五日暫往西張

城隈細路入沙汀絮帽衝風日再經歉歲邨虛更荒惡窮
冬人影亦伶俜林煙漠漠鴉邊暗山骨棱棱雪外青四十
年來此寒苦凍吟猶記隴關亭

石嶺關書所見

軋軋旃車轉石槽故關猶復戍弓刀連營突騎紅塵暗微
服行人細路高已化沙蟲休自歎厭逢豺虎欲安逃青雲
玉立三千丈元只東山意氣豪

陀羅峯二首

念念靈峯四十年一來真欲斷凡緣鑿開混沌露元氣散

布兜羅彌梵天雲卧無時不閒在樓居何處得超然殊祥
莫詫清涼傳會與茲山續後篇

每恨奇探負盛年松厓今喜入攀緣初驚靈鷲多飛石更
信金牛有漏天鄉國登臨乃如此名場馳逐亦徒然留詩
便與香泉約起本西游第一篇

山居雜詩六首

瘦竹藤斜挂幽花草亂生林高風有態苔滑水無聲
石潤雲先動橋平水漸過野陰添晚重山意向秋多
樹合秋聲滿邨荒暮景閒虹收仍白雨雲動忽青山
川迴楓林散山深竹港幽疏煙沈去鳥落日送歸牛

忻州志

卷三十八

藝文下

十六

漲落沙痕出隄摧岸口斜斷橋堆聚沫高樹閣浮槎
鷺影兼秋靜蟬聲帶晚涼陂長留積水川闊盡斜陽

家山歸夢圖三首

別卻并州已六年眼中歸路直於絃春晴門巷桑榆綠猶
記騎驢掠社錢

繫舟南北暮雲平落日滹河一線明萬里秋風吹布袖清
暉亭上倚新晴

游騎北來塵滿城月明空照漢家營卷中正有家山在一
片傷心畫不成

初挈家還讀書山雜詩四首

并州一別三千里滄海橫流二十年休道不蒙稽古力幾
家兒女得安全

天門筆勢到閑閑相國文章玉筍班從此晉陽方志上繫

舟山是讀書山

繫舟先大夫讀書之所閑公改爲元子讀書山又大參楊公叔玉撰先人墓銘

眼中華屋記生存舊事無人可共論老樹婆娑三百尺青
衫還見讀書孫

乞得田園自在身不成還更入紅塵只愁六月河堤上高
柳清風睡殺人

代州門外南樓二首

東洛西秦往復回幾番風雨與塵埃家山最與南樓近三

忻州志

卷三十八

藝文下

十七

十三年恰再來

汀樹微茫岸草青滹河四月水泠泠鳳山可是生來巧堪
與南樓作卧屏

發南樓度雁門關二首

雞聲未動發南樓澗水隨人向北流欲望讀書山遠近雁
門關上懶回頭

稜磴石磴倚高梯穹谷無人綠樹齊總爲古來征戍苦宿
雲常傍塞垣低

己酉四月十七日度石嶺

四海虛名直幾錢世間何限好林泉無情石嶺關頭路行

去行來又十年

夜雨寄元敏之昆弟

田紫芝

醉夢蕭森蝶翅輕一燈無語夢邊明
虛檐急雨三江浪老木高風萬馬兵
枕簟先秋失殘暑湖山徹曉看新晴
對牀曾有詩來否爲問韋家好弟兄

和太原元大舉韻詩

元 耶律楚材

魏帝兒孫氣似龍而今飄泊困塵中
君游泉石初無悶我秉鈞衡未有功
元氏從來多慷慨并門自古出英雄
李唐名相沙堤在好與微之繼舊風

讀遺山詩四首

劉秉忠

忻州志

卷三十八

藝文下

十八

劍氣從教犯斗牛百川橫放海難收
九山直上無凝滯更看銀河一派流

北里笙歌勸酒杯南鄰門巷冷如灰
秋風萬里方搖落叫殺孤鴻春不回

青雲高興入冥搜一字非工未肯休
直到雪消冰泮後百川春水自東流

雲霞閃爍動霓旌轟磕征鼙震地聲
千里折衝歸指畫將壇孫子獨論兵

野史遺亭

明 祝 顥

東風小隊出郊坰訪古因過野史亭
衰草又隨春日綠好

山偏向夕陽青百年國事存笥藁一代才華著典刑妙絕
中州新樂府興來高唱有誰聽

淤泥寺

來天球

野寺消煩暑長途促晚行落霞明遠岫返照下孤城月傍
前村出風從古渡生僕夫毋乃倦於此亦關情

泮宮舊址眺望

喬宇

高城雉堞繞龍窠廟學從誰徙舊宮一代山川在人物千
年割據幾英雄殘碑尚有唐文字遺俗猶存晉古風日暮
九龍原上望萬家鱗次水煙中

獨擔高登

楊光澤

忻州志

卷三十八

藝文下

十九

竹杖分開草芒鞋印破沙一聲兩聲鳥千片萬片花

元遺山墓

朱良

遺山太白後詩仙逸興飄然見百篇荒塚雲煙常夜落
花風雨自年年九岡原上觀遺跡十里山前拜大賢賴有
太常佳句在郡人願寫付碑鐫

賢兒溝

張鳳狂

賢兒溝草芊芊賢兒人去已千載溝名直與天地相周旋
我昔備聞嬰杵賢不圖今日遊其阡高風千古不可邁感
之令人涕欲漣嗚呼下宮之難不偶然卒之死孤立孤名
俱全君不見世俗下趨如流川賣友背主徒翩翩其視二

子之爲何天淵

忻州道中

林 魁

秋風迢遞晉陽田遙望關山一矚前
西域未通元有地北門深鎖足扶天
江梅夜落聞霜角塞草春稀帶暮煙
莫道鐵衣寒到骨千金須記買龍泉

東巖寺二首

黨承志

山徑崎嶇入福田峯回路轉興悠然
蒼巖雲霽梵宮出翠麓泉通瀑布懸
名勝果然超十地清涼端合近諸天
向平了卻人間累欲向禪關結淨緣

寺傍東巖一徑斜峯巒朝暮足雲霞
參天老檜籠晴日出

忻州志

卷三十八

藝文下

二十一

石靈泉走白沙良夜古龕仍有月

遺山有東龕玩月詩

深春楸樹正

多花臺山會續清涼傳莫道并州處士誇

元遺山

元子文章足壯觀不教簪筆在金鑾
憂來劉向歸休早老去馮唐際會難
野史亭荒無瓦礫中州集在重琅玕
先生有句猶能道平世何曾有稗官

傘蓋青松

寺右廢塔二相傳殿瓦自來不塵

寺傍山阿殿閣重童童如蓋蔭青松
橋登彼岸歌金澗泉湧靈巖漱石淙
林動微颺清籟遠龍歸幽洞翠煙濃
依稀一段匡廬景只歎香爐瀑布峯

晚趨忻口

高叔嗣

雲峯聊極目立馬獨愁心豈直關山遠其如雨雪深笳聲
先入夜邊氣迴生陰疇昔長征意蹉跎力不禁

忻州道中

楊綵

蕭蕭匹馬向東征一望川原驛路平回首雁門雲黯淡月
明猶令旅魂驚

忻署雨後遣懷

楊美益

鏡中日覺鬢毛蒼到處逢迎總異方塞役甫竣辭代崞郡
齋初卽憩忻襄蛛絲斜挂簷風靜蛙鼓爭喧沼雨涼小扇
輕絺聊獨坐晚來疇可洗離腸

忻州志

卷三十八

藝文下

二十一

野史亭

王治

遺山不可作古塚尙依然騷雅雄當代風流仰後賢頽垣
低宿草斷礎沒寒煙寂寞墳前月盈虛自歲年

東巖夜月

先人遊息地臨眺欲消魂倚澗松猶在書牆墨尙存林邱
自俯仰嵐靄變朝昏回首霜天晚寒燈出遠村

石嶺晴嵐

幃列南山翠層層石嶺橫塞鴻衝月度征旅逐霜行歲久
危途易時平古戍輕遺山重故國到此眼偏明

繫舟隱誦

大禹維舟處相傳自昔云喬松蔭古刹絕巘卧閒雲月色
渾如舊書聲絕不聞薛元俱已矣誰與共論文

傘蓋青松

隱隱山間寺青青澗畔松團團擁大蓋鬱鬱當嚴冬雲頂
深棲鶴寒枝怪伏龍巖風朝暮激雄籟揜霜鐘

九龍連阜

遠阜來龍九蜿蜒勢各雄風雷驅不去雲雨澤常通靈秀
鍾今昔賢豪迥異同乾坤登眺感逝水日趨東

直道溝二首

踈茅潔石漱寒清玉佩珊珊日夜聲沿溪過午聞雞犬幾

忻州志

卷三十八

藝文下

二十二

屋人家煙縷輕

莫怪人云直道難此溝名直亦彎環由他彎得如弓樣不
改溪聲太古寒

牧水環城

九龍岡上望晴川水色悠悠接遠天絕似江南風景好煙
波只欠釣魚船

閱忻工南樓紀興

魏允貞

日暮輕裘更朔風登樓慷慨與誰同千峯堆雪胡塵淨百
雉連雲漢戍雄兵法古來兼地利人謀今亦借神工丁甯
刺史無他策保障惟期善後功

關城鎮書懷

行年五十已知非況復親年倍古稀爲問腰間懸紫綬何
如膝下舞斑衣

和中丞魏公閱忻工南樓紀興元韻 侯正鵠

層樓城上倚天風萬里空濛一望同睥睨西連秦塞險雲
山北拱帝圖雄九原烽火形偏壯三晉關河勢轉工牧馬
水清胡騎絕和戎誰復更論功

匡村寺 雷大壯

舊國存遺寺幽情興轉賒山僧無個事汲水灌桃花

書文殊寺 趙夢麟

忻州志 卷三十八 藝文下

二十二

古道藏幽刹曇花分外澄白雲芳樹繞碧草野煙凝塵斷
閒中客鐘迴定裏僧何時消障礙到此聽傳燈

三月今將半邊城春未闌雨微楊葉飽風勁杏花寒水碧
含沙見山青帶雪看吾徒隨地樂莫放酒杯寬

駐馬眺高原桃花處處繁晴光浮遠樹翠色繞孤村座右
啼黃鳥歌前倒綠尊何須悲落魄笑傲小乾坤

匡村寺 武文

悞入梵王家悠然興轉加老僧供茗椀童子獻松花鳥墮
林梢露風移塔頂霞談空因坐久回首夕陽斜

野史亭 楊維嶽

迴野天低孤草亭何人著述薄西京墨池飛霧分澄紺椽
筆凌霜付殺青一代遺文龍護酉千年華表鶴歸丁書臺
指點成榛莽卧碣依稀認郝經

先生墓近
亭郝經誌

獨擔高登

九折岩堯拱鷲峯岡原厯亂插芙蓉獨擔忽若騰蛟舞雙
峙相看踞虎雄雲鎖芝房長護紫霜酣木葉競流紅振衣
絕巘狂呼白輿劇冷然欲御風

東巖夜月

何來飛鏡挂山椒天界空明眼界饒涼浸屏山圍翡翠光
分團蓋落瓊瑤空王殿是清虛府梵唄音和緱氏簫長嘯

忻州志

卷三十八

藝文下

一二十四

千巖天籟發書聲彷彿在參寥

繫舟隱誦

小鷲平窺大鷲峯崔嵬峭削紫芙蓉洪流天半懸飛鷁大
壑雲深穩卧龍忽浸藤牀蘿薛月時翻竹簡檜松風乾坤
俛仰俱塵土不老青山自秀容

石嶺晴嵐

巖險真成百二雄浮天蒼翠幻如龍西來不散函關氣東
去遙開閭苑風定佛龕前金步障飛仙掌上玉芙蓉上方
更有楊枝露記乞爲霖施太空

余兩禱白
雲洞皆雨

九龍連阜

連山天矯走龍虬遠勢平吞十二樓趙晉流風銷百戰程
孫俠骨自千秋霜寒榆柳人煙暝春漲滹沱宇宙浮翹首
清涼看不盡待驂白鶴過山頭

山盡處有
白鶴觀

傘蓋青松

精藍高倚白雲天斷碣消磨不記年澗道嵐光浮疊石樹
頭寒色咽飛泉千林忽發真空籟雙塔能參無住禪卻解
玻瓈清淨理欲逃苦海寄修緣

鍾乳雙山

青天忽落青珠璣寒光相照搖煙霏雙星未罷靈鵲馭二
圓長服蒼龍駢亂嵐浮石衲衣溼空翠逐波環珮稀深雲

忻州志

卷三十八

藝文下

二十五

萬壑埋玉乳落日千峯看翠微

金山綠洞

修蛾隱約亦璘珣俯看并原渺一塵浮碧將無凌朔氣憑
虛疑是化金人故侯骯髒千秋在古洞神奇異代論莫以
金銀誇氣象桃花久暗武陵津

讀遺山集

何允泓

滄海橫流著此身中原天日照纍臣明昌大定三生夢欽
叔希顏一代人野史亭中遺汗簡讀書山下起埃塵幽蘭
灰燼今何在千載空餘老角巾

獨擔山

張鳳翼

孤峯突兀插遙天擔起乾坤不計年雲母光含嵐氣秀靈
芝瑞映石花妍舟山入座千屏拱牧水盈眸一帶纏試向
深林尋古蹟爛柯仙局鎖寒煙

石嶺道中雪霽看山時二月將半雪不甚堅一照卽

融空潤鬱葱山致百出甚可玩 盧世淮

羣嶺盡新妝淡冶宛欲笑輕藹逗其懷往來若徵調日靜
煙逾滋黛光發幽照友聲鳥歡喜潭影上遐嶠遊客惜峰
巒頻頻觀其徼

奉送徵君傅青主先生還里 國朝 馮溥

病緣豈藉世情醫高詠誰堪繼五噫歲儉欲留香積供文

忻州志

卷三十八

藝文下

二十六

成不讓漆園奇星能犯座還稱客雲可怡人自有詩驢背
春風歸去穩外臣箕穎拜 恩時

忻口遇大風 魏象樞

慣習邊城路今朝的未經昏雲穿渡口烈石走山亭豈憚
王程急終嫌夜火青簡書愁病裏贏得鬢星星

輓青主傅徵君兼悼壽毛處士二律

勉報徵書未受官籃輿歸去病將殘消磨歲月詩千首寄
託身名藥一丸學術竟埋真太史銘旌還寫老儒冠少微
星隕今無憾疏草糢糊不忍看 余曾疏其老病狀上聞
著書芸閣渺難窺況失孫郎帳下兒八十年光含淚老二

三孫子應門癡晨昏無計供餽粥風雨何人較闕疑副在

名山終不朽太原高士有遺碑青主著作甚富令壽毛先亡二孫尚幼慮失遺稿

故次篇及之

訓傳處士

顧炎武

清切頻吹越石笳窮愁猶駕阮生車時當漢臘遺臣祭義
激韓讐舊相家陵闕生哀回夕照河山垂淚發春花相將
便是天涯侶不用虛乘犯斗槎

覽息眉詩有作

傅山

道心希微間癡情復歷落此自吾家詩不屬襲古格細吟
五字中頗與王儲邈念我四代來文學代有作然皆餘力

忻州志

卷三十八

藝文下

二十七

及未盡瑰瑋橐從好負雄志先祖園名從好彫蟲恥寄託晨星見

慕隨集曰慕隨堂先祖未曾有此名京山公傳詳之是否亦消索以我所摭拾不

解何遺落穆穆離垢翁先君自號居士淡靜青天鶴松雪發警

句道要在幽壑下漚亦多篇先伯有園名下漚大都類講學軒昂

而風流惠文大綽約先叔祖御史公峩峩獬廌冠叟叟芙蓉鏢冢

君無聲草御史公子先伯有無聲草高視三象閣讀書齋中閣名離合任疎放

長須拈寥廓孝廉於杜陵御史仲子顛倒雷簷漢時復有短章

紫霧障春箔同學嗤笑之以為無處摸大謬無奈何而今

我與若目論有公道憐才不苛虐一字半句間冷眼明肫

臆寬法覬多遇往往遇不著暗商此道微消渴難挹酌此

後多妄人萬丈自光燭奴物共旗鼓公然山斗卓不知范
陽美燕趙擅芍藥花林緯鳴鸞翠袖嬌倚薄頓吟牛腰卷
大發虎齒噓罷酒忍嘔欵側耳向寒鐸是可異規否宏篇
行已愕李杜不作噓撫掌醜儻賴孟生謝唯唯縐眉費忖
度作者今人爾不管人生殍我輩三自反差免躄齷惡不
喜爲詩人呻吟實由瘼凝滯何難化運氣中乖錯一綫憑
元氣陰陽與盤礴晦冥得奇句灑然汗泊泊時復能少閒
還復理摩削自知愁是豎自覺詩是鵠扁鵲救急策非長排
遣度今作亦不博名高閒書邃巖粵江北盡白丁南人習
欺魄誰能爭勝負又去多酬酢丁亦何必黑自信少彫鑿
雲信牢落

七賢祠二首

身隱文焉用山僧乃勸詩顧瞻七子貌蕭索五城思古柏
神壇暗秋陰天意悲此中題不得羞殺壯夫爲
老衲亦知否七人不盡賢鈞衡容逆賊紳笏媿香煙獨有
雙忠烈餘皆一節傳李公碑贊好斟酌序當年

過十八盤

張天斗

款段度疎林相憐水石音曠懷忻地僻高鳥悅山深野火
連朝爨溪雲帶遠心行行頻四顧雅意足登臨

雪竹

弄月吟風興素豪虛心接物自清高歲寒雲凍埋深雪節
在何妨暫折腰

自題生壙

乙巳清明
前一日

一穴黃泉強自裁箇中原不費安排世間理數終歸寂說
與時人莫浪猜
自壘荒邱自立碑死生義在豈胡爲試看野外墳多少衰
草寒煙誰是誰

忻州志

卷三十八

藝文下

二十九

榮枯修短皆前定怕死貪生又是癡莫漫臨歧悲永訣戲
棚俱有散場時

林泉詩酒浪隨緣半百蹉跎又數年收拾本來尋舊好柳
風溪月夕陽煙

得傅徵君山信

李因篤

河汾文獻未全空蠱上乾初有是公不卜同舟瞻郭泰徒
知中說擬王通芳期虛訊春來鳥劇飲猶傳雪後鴻他日
華門相候處下車應拜采桑翁

冬夜共張中宿小飲談心

趙侗

酒淡難成醉情深話敘長月明三鼓靜梅綻一瓶香我以

耽詩病君因玩世狂但能存氣骨莫就小文章

題五雲祠院中松

史三榮

亭亭直上五雲邊黛色蒼蒼知幾年虬曲半天驚日月龍吟深地撼風煙歲寒不死貞心古石冷常棲玉骨堅說與樵夫休翦伐待留楨幹好扶天

南溪縣贈趙令勝千

王士禎

廳事槐根出空城斷岸侵人多竈下養君是邑中黔燈火宣華夢夷歌濮獠音江安挂帆去揮手夕陽沈

登白雲洞

趙家駿

屈曲羊腸樹杪分峒堯蒼翠逼氤氳懸崖暗滴仙盤露大

忻州志

卷三十八

藝文下

三十

壑橫翻帝女雲一派晴嵐連石嶺幾洄雪浪望滹瀆迤東更有先賢迹擬過書堂檢舊文

庚申并雲二府饑荒行

楊敬儒

驅馬飛狐口悲風振林麓雁塞愁雲封牧川新鬼哭大造何不仁蝥蟻縱其酷山獐六月狂二麥炎陽熇秋仲生青草金飈一夜肅經霜草色枯納稼無半菽萬井煙火消饑苧盈川谷殘喘惜餘生擔負羣犇鹿哀號白日昏搥胸翻地軸衰老梁上懸壯子鴻飛翮謂父逐征途遍叩逃亡屋一仆古道傍狐狸伺其肉饑兒枕屍呱半死還睇矚少婦喉已暗手抱弓鞋縮野死骨誰收黃河東去倏貧士口不

餽肩上橫緝牘回首妻女嬌鶉衣腳且禿腸斷一躊躇鳩
羽良可服一穴幸團圓毋令陌上辱昔日康衢地烏鴉噪
古木闌闌晝掩門簪纓少全族夜呼罷雞犬燕子誰家宿
粉榆白骨撐春暮無含綠悲哉欲畫圖淚下已盈掬蕭條
三兩家忍死戀鄉曲朝餐賣兒錢夕飯負女鬻子女價如
土粒米珍如玉縱得度新春相覷皆鰥獨翻悔去歲人留
擲今年蠲望歲日引領愁眉轉顰顙去歲野土焚一雪隨
乾暴穀日大風颺春社希霖霖礪确不可耕何以待新穀
去歲苦寒炊哀鳴慘穀棘臘月耕牛盡南畝其何俶去歲
掃秕糠甬甕罕儲粟籽粒空徬徨何以滋種稔去歲星火

忻州志

卷三十八

藝文下

三十一

馳萬戶空杼柚有吏夜打門魂飛不可續共言有生苦不
如瞑其目嗚呼尫羸軀何以堪敲扑艱辛良有司招撫厘
施粥纍纍曰萬千魍魎滿其局披星匍匐來皮膚盡皸瘃
杯汁不半飽轉盼已踏跼矯詔常平空勸助野無蓄雖有
點金方何以給枵腹太大國西門昔數良家六撫茲股肱
郡 恩膏宜倍篤矧逢赤地餘野老嗟無告亡竄今已矣
賣者不可贖眼看垂死命日夜籲天祝堪憐無翼飛啼饑
向輦轂願言憂國者時報光明燭

段莊別業

坐愛高人榻攤書曰下帷柳隨風拂塵花倩鳥吟詩籬下

全栽菊池邊半種葵南屏當戶牖卧看白雲遲

山莊

山居住處足幽棲路入煙深望欲迷一片飛花隨上下千竿新竹長東西紅塵市迴人稀到綠樹春深鳥自啼何日歸來居此地小橋獨立看扶犁

段莊別業

綠院陰濃夏簟宜一堆煙雨覆寒漪蟬驚雪調時鳴樹螢伴藜光夜入帷碧砌歌風荷擁扇清潭釣月柳垂絲等閒掃卻塵纓累一卷殘書一局棋

書齋正對讀書巔几案無塵坐草元雨洗榴花催賦筆風

忻州志

卷三十八

藝文下

三十一

翻桐葉展詩箋畦中七菜供調鼎階下三株兆集鱸把酒臨池長嘯後好風吹綻一溪蓮

里社古楸

雩壇高聳樹雙楸松栗應同古社麻鶴度曉風過貝闕龍吟午夜拂鐘樓蒼鱗蔽日雲猶擁翠幕參天雨未收萬古神功何處覓年年堂下拜春秋

宿小店憶忻州形勢書以遣悶

王綬

兩山如覆盂衝當南北口州治居其中羣嶺皆拱撐廣袤百餘里平行列田畝二河自北來交會注東走一河自南奔逶迤遵長阜旋復折而北抱城如曲肘通渠灌平田二

河利彌久暮布數小山體勢俱不苟南偏儼筆架高埃戴
其首西北一螺髻似侍州之後自茲西而北遠案州所有
更北兩山異映射如相偶其一頂平圓其一特峭岬勢與
大山衡洪濛孰爲剖天生山川奇變化盡培塿吾非堪輿
家詩以質吾友

程侯山

楊述

仗義亭亭立趙封非徒慷慨就從容當年了却存孤業化
作西來第一峯

楊彭似輓章

史貽直

卓行應稱最如君迴不羣循良齊召杜教授繼河汾邁澗

忻州志

卷三十八

藝文下

三十三

窮彌矢丹鉛老益勤佳城今宿草慷慨問遺文

勵宗萬

故老今誰在先生贖典型出爲愀怙吏歸作少微星表墓
餘雙碣傳家有一經昔年訪文獻使節幾回停

遊陀羅山

周繼殷

聞道陀羅雅致好峯頭萬樹松華老清流滴滴出龍涎赤
石磷磷呈瑪瑙情倦疎林憩柳陰興豪曲澗尋芳草何如
收拾夢浮生無計挂兮無懊惱

四月八日再遊雙乳山

憶昔曾登陟於今續舊遊鳥巢憑上下草色自春秋柳絮

乘風舞花香逐水浮檐前一片石剝削待題留
雙乳重來四月天山青水白鳥聲連溪邊馬走盤迴路嶺
半人耘高下田甘露如珠盈草際鮮花似錦徧山巔題成
數句鬚將斷未盡登臨竟日緣

遊碧雲洞

在繫舟北麓中
奉神禱雨多應

史佳

四千里路客來傍碧雲遊徑曲沙留迹坡高石作樓長煙
浮牧馬午日過梨溝獨擔橫如擔誰擔世上愁

吳孝子詩

李夢龍

大聖無奇特持身孝最先吳君天性美不愧古人賢淚滴
冬生笋思深地湧泉竝看龍鳳詔褒錫正連綿

忻州志

卷三十八

藝文下

三十四

遊廣峪山黃堂洞

楊克茂

縈迴石磴曲盤蛇倒削洪崖百丈奢翠嶂空中浮玳瑁丹
樓嶺上擁煙霞勢吞塞北川原小目盡天南風雨斜洞裏
依稀思保障至今猶庇萬人家

登廣峪望繫舟山

西望讀書山欲尋讀書處前途不可登廣峪堆雲霧

牧水

楊克睿

牧河春漲滿繞郭曉泠泠渠引千家利橋橫七里汀鷺翻
沙映白水潤草浮青幸我臨流近遐心差可銘

遊龍潭

李之嶰

山勢何嶒嶸蒼崖屹兩壁一澗恰中通萬松覆若羃滃然
見流泉苔錢綠欲滴幽鳥靜堪聞閒花香可覓羨爾巖棲
僧迹與心同寂

福田寺

籃輿度廣川南入福田寺亂石卧淺谿數轉山益邃客稀
鳥韻幽僧老嵐光翠遺山有舊廬斷碣餘殘記懷古一長
吟松風動輕吹

石嶺關

石嶺關頭石路高車聲軋軋馬蕭蕭關河極目風煙淨雨
洗晴嵐翠染袍

忻州志

卷三十八

藝文下

三十五

九原

北邙蒿里古今悲華表何年返令威獨向九原原上望殘
雲亂樹弔斜暉

陀羅山

獨衝煙雨過陀羅亂石奔濤見古河北有雲中南牧馬雙
流合抱入滹沱

獨擔山

張作舟

高峯何崛起獨力半撐天世上多奇絕誰曾與共肩

雁邱歌

元遺山先生
事見廣輿記

張安世

汾河之岸地縱橫半畝荒蕪不敢耕共說雙雁埋此地卽

今邱址隱未平雁邱千載名不滅此因說起堪悽絕一雁
被繳在民家一雁悲鳴來永訣暮入民家交頸死到晚空
餘雙義血義聲嘖嘖萬口同尺土封來傳無窮荒邱不老
魂常在夜聽長唳泣西風憶昔飛鳴共相逐誓向黃泉常
比目邱上應長明妃草邱草當如拱墓水高義何分人與
物行人到此都顰蹙可羞曠野纍纍者死多異穴生同屋
登忻州九龍岡文明閣東宋州牧定襄馮令

朱珪

高軒壓層岡爽入代朔秋登頓策勅足沆碭開塵眸城煙
接暮氣動息何紛稠秀容低眉嫵牧馬微涓流平臨句注

忻州志

卷三十八

藝文下

三十六

峻直鎖忻口遒古來割席地奇計嘻可羞

地以漢祖解平城圍至此得名

道隆守四遠插柳樊邊陲我行問穡事恐有菜色愁此州

幸膏潤盱衡舒綠疇公孫大雅後袞袞沿商州

宋牧乾金為牧仲先

生 恂悞大馮君十年懷舊游

馮令鵬飛先宰長葛己卯秋同事棘闈

時康勤

撫字肯作絲繭抽九龍何蜿蜿天漿挹杓頭作雲瀉畢脚
淨洗芒氛收會當夢真宰長嘯通訏謀

弔清源王公安慶靖節

馬騰蛟

突兀程侯之山峙北隅地維天柱森相扶蜿螭磅礴握靈
符挺秀含英誕宏儒志爲諸生與眾殊肝膽辟易億萬夫
俯仰今昔動歌呼傾倒一座據高梧能自樹立及其徒筆

分五色共編蒲來學不愁吾道孤秦隴首蓂甘如酥皋比
雍容振規橰遐追白鹿傲鷺湖往往鄉人飲醍醐東郭西
鄰忘越吳肯使蒼鷹饜兔狐茅容雞黍有私烏庭前荆樹
榮常敷家起蓬戶與桑樞青氈蕭然見真吾金章黑綬同
馳驅一生食蘗傾冰壺署裏園蔬葵與茶相當蓴羹松江
鱸清白作吏廿年餘田宅還與二疏俱常看宗族共有無
饑無枵腹寒有襦吁嗟帝室多崎嶇憂國慷慨願忘軀千
戈滿地血滿衢朝爲鷹犬暮爲羆孤城不守肆翦屠金魚
紫珮成囚俘赫赫司馬色不渝冠冲怒髮口銜鬚綵翼煌
煌丹穴雛同死不復待踟躕願率鬼兵誓報渠愧殺男兒

忻州志

卷三十八

藝文下

三十七

空頭顱碧血萋宏暗歛歔千古雄魂在九區

謁清源王公祠

陳 瑛

明之末季國步艱史策傳來不忍看莊烈已殉社稷死宏
光南渡欲偏安馬阮穢濁污宸闕左兵東下若狂瀾皖城
要害誰與守方面大僚皆遁走獨有司馬王清源赤手要
將青天補爲逆助逆不可當先生危坐整冠裳罵賊不屈
常山舌視死如歸張睢陽白刃臨頸志不移三子從亡更
堪悲一門忠義只自矢甯計後人知不知天理民彝不泯
滅軼事傳聞父老說安慶志裏錄孤忠名宦祠中仰賢哲
南北遙隔數千里百年猶然雲霧裏有客南來攜殘編方

知先生死未死先生賢嗣構祠堂程侯山畔雲水傍舊是
先生桑梓第酌酒招魂返故鄉君不見程嬰杵臼墳纍纍
萬古千秋常如此又不見金山壁立千仞寒綠洞遙臨雲
中水先生與之永久矣

題遺山詩

趙翼

身閱興亡浩劫空兩朝文獻一衰翁無官未害餐周粟有
史深愁失楚弓行殿幽蘭悲夜火故都喬木泣秋風國家
不幸詩家幸賦到滄桑句便工

春日遊讀書山懷元遺山先生

朱雲駿

春煙澹欲流禽聲導客往山行曲愈好步窘勢轉上徑斷

忻州志

卷三十八

藝文下

三十八

溪橫橋冰消水平掌澗瀑懸山巔塵襟快滌盪游歷逮茲
辰傳聞自疇曩流風如可親對鏡足欣賞

古人不可及非徒尙詞翰出處有本性此際良獨難高名
震山斗事定待闔棺筮仕興定初天興列史官凋敝日益
甚簪筆涕洟瀾國亡終布衣家訓傳南冠

性正氣亦正跌蕩雄幽并聲名世耳食知已惟一兄四十
五年間毀譽何轟轟習俗安污流所葆遂不貞錙銖較利
害俯仰隨重輕所以貴壁立君子豈好爭

職本任史官記注敢貽誤舟師忽東狩國史請保護時相
目以迂零落不復顧艱危野史亭貞節葆歲暮身在國史

在豈難殉國祚吁嗟絳雲樓志但希遭遇

讀元遺山詩

凌廷堪

神京喋血竟生還忍死重過石嶺關一寸秋毫成野史百
年老淚灑空山身經北渡流離際才與東坡伯仲間文獻
中州盡凋喪賴君大手記完顏

忻州趙母張節婦詩

祁騫藻

養姑者誰趙氏婦撫孤者誰趙氏母誰道含飴更苦辛老
去能全趙氏後人爲壽母祝眉壽母謂九十如十九少年
已作未亡人今日白頭還此身身雖未亡心已死彤管何
心耀青史但願子孫孝且慈莫忘老婦養姑時當時機杼
忻州志
卷三十八 藝文下
三十九
聲中淚只有鄰家媿婦知

西莊晚眺

李滋

客愁無處著薄暮上高邱健子搜田鳥耕夫促倦牛山吞
殘照入河抱遠村流歸步徐徐好微風草際浮

白鶴觀懷古

石上題詩掃綠苔諸公才調委塵埃鶯啼燕語都依舊不
見當年白鶴來
樓閣蕭條一畝煙春風無那老僧眠遊人欲識開元字滿
院疏榆落古錢

遊讀書山

李崇蟠

偶逢無事便偷閒一日權將百慮刪行去城南三十里萬
松蒼翠見名山

聞說此山曾繫舟陶唐夏后杳難求東巖隱誦人何在羸
得元家姓氏留

載酒登臨興有餘秋風乍起雨晴初山深寺古無僧住猶
有少年人讀書

山色蒼茫日影西惜無佳句可留題歸時不記來時路按
轡徐行任馬蹄

郡志將成作秀容形勝習尚二律刊入以告後之守
斯土者
方戊昌

忻州志

卷三十八

藝文下

四十

歷代防秋戍 熙朝擊壤歌兩山撐石嶺百派走滹沱

雲牧全開洫雲中牧馬二河民資以灌溉城垣半壓河危崖忻口鎖南石

嶺北忻口形勢如鎖鑰可守西向謁陀羅陀羅山為郡中名勝之區

右詠形勝

敦龐傳舊俗習染發三嘆鬼趣耽鴉片此地嗜煙者頗多人囫圇

虎盤銀錢長落貨值高低預定勝負謂之打虎盤郡之富室多以此傾家渠規因勿革渠案宜守

舊勿更新衙蠹刻毋寬書差訟棍均為衙蠹稍縱則魚肉鄉民矣教化余滋愧詩書

返古丹

右詠習尚

弔元遺山

秀容族望久推元共仰遺山大匠門一代詩才追李杜千
編史稿紀金源南陽令尹循良記北渡夷堅寄託存六百
年來誰嗣響讀書嶺上奠清罇

弔傅青主

勝國遺民溯晉陽肆州猶有舊雲莊傳名老筆真神筆濟
世奇方出禁方陳跡消磨餘碧蘚孤龕隱約現紅霜舍人
何若青山主一頂黃冠萬古香

忻州弔傅青主先生

方淵如

海內交推古逸民翛然猿鶴任空冥前身應是支離叟朝
列爭占處土星

康熙戊午開鴻博科
中外大臣交章列薦

老去蒲輪徵大隱我

忻州志

卷三十八

藝文下

四十一

來石室訪遺經

忻州爲先生故里所著十三經字區
周易音辨周禮音辨等書皆不可得

當年

彌勒龕同座四壁寒鐙五夜青

霜紅龕在陽曲縣南城外
十方院僧舍疑當日寓居

於此遂
名焉

冬日登呂祖閣

百年華臘等閒休不向仙人借枕頭同是浮生如夢過幾
經喚醒足千秋

大漠風雲特地來眼前城郭抱樓臺千秋霸業銷沈盡猶
說當關李牧才

遊香泉賦

黨承志

滹濱子宦遊而歸乃偕舊友復遊於香泉於是續蘭佩解

塵纓循往躅尋前盟逶迤水涉窈窕山行望蒼茫之埜色
聽潺湲之溪聲旣造深隱覩幽妍瞻金刹禮青蓮憇昔眠
之蕙帳啜舊飲之蘭泉神怡體暢塵襟以蠲迺躡芒屨陟
層巔盼睠林壑睨望山川默識舊遊之處俱歷乎目前俛
而思焉恍兮如昨屈指計之乃倏矣二十一年於是相顧
愕眙喟然太息蓋觀山川之猶昔驚歲月之如流信浮生
之若夢也旣而乃相謂曰異哉吾儕今昔之情也風景不
殊交與如故昔胡遊而樂今胡樂而嘆也豈不以昔少壯
而今老大乎日月逝而功業未就乎時代謝而會有極乎
夫大鈞幹運萬物遂也人性物靈一厥類也消息盈虛皆

忻州志

卷三十八

藝文下

四十一

一氣也立德立言良足貴也安時處順稱賢智也神逸氣
柔德乃休也時清年豐足優游也居易俟命吾何憂也我
思古人獲我求也辭旣乃渙然各釋充若有得嘯詠嬉遊
無異乎疇昔

